

6

Na osnovu člana 18. stav 3. Zakona o Centralnoj banci Bosne i Hercegovine ("Službeni glasnik BiH", 1/97, 29/02, 8/03, 13/03, 14/03, 9/05, 76/06 i 32/07), člana 22. stav 2. i člana 22a. Pravilnika Centralne banke Bosne i Hercegovine, UV broj: 120/05 od 29. juna 2005. godine, 100 - UV broj: 66/10 od 29. aprila 2010. godine, 100 - UV broj: 130/11 od 30. marta 2011. godine, 100-UVbroj: 18/12 od 31. januara 2012. godine, 100 - UV broj: 10/13 od 31. januara 2013. godine, 100 - UV broj: 73/13 od 28. juna 2013. godine i 100-UVbroj: 106/13 od 31. oktobra 2013. godine, te člana 6. st. (2), (3) i (4) i člana 9. Pravilnika o radu u Centralnoj banci Bosne i Hercegovine, 100-UVbroj: 11/13 od 31. januara 2013. godine, 100 - UV broj: 77/14 od 31. jula 2014. godine, broj: UV - 121 - 01 - 1 - 117/14 od 17. decembra 2014. godine i broj: UV - 122 - 01 - 1 - 8/15 RJ od 25. februara 2015. godine, guverner Centralne banke Bosne i Hercegovine, donosi

O D L U K U**o imenovanju direktora Centralne banke Bosne i Hercegovine - Glavne jedinice Mostar****Član 1.**

Silvija (Marko) Ramljak, VSS - diplomirani ekonomista, iz Mostara, imenuje se na radno mjesto direktora Centralne banke Bosne i Hercegovine - Glavne jedinice Mostar na mandatni period u trajanju od četiri godine, počevši od 1. januara 2016. godine do 31. decembra 2019. godine.

Član 2.

Prava, obaveze i odgovornosti imenovanog lica iz člana 1. ove odluke, koje proističu iz radnog odnosa zasnovanog na određeno vrijeme u Centralnoj banci Bosne i Hercegovine, u skladu s ovom odlukom utvrdiće se na osnovu zakona i opštih propisa Centralne banke Bosne i Hercegovine.

Član 3.

Ova odluka stupa na snagu danom donošenja.

Član 4.

Ova odluka će se objaviti u Službenom glasniku BiH, službenim glasilima entiteta i Brčko distrikta.

Broj: 121-12-2-3051 /15
Sarajevo, 29.12. 2015. Godine

GUVERNER
Dr. Senad Softić s.r.

7

Upravni odbor Fonda zdravstvenog osiguranja Brčko distrikta Bosne i Hercegovine, na osnovu člana 42 stava 2 Zakona o zdravstvenom osiguranju Brčko distrikta Bosne i Hercegovine (Službeni glasnik Brčko distrikta BiH, brojevi: 01/02, 07/02, 19/07, 02/08 i 34/08) i člana 13 stava 1 tačke f) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 01/08, 03/15 i 07/15), na 43. redovnoj sjednici, održanoj 19. 11. 2015. godine, donosi

P R A V I L N I K**O IZMJENI PRAVILNIKA O OSTVARIVANJU PRAVA ZA VRIJEME PRIVREMENE SPRIJEČENOSTI ZA RAD OSIGURANIKA FONDA ZDRAVSTVENOG OSIGURANJA BRČKO DISTRIKTA BiH****Član 1**

Član 21 Pravilnika o ostvarivanju prava za vrijeme privremene spriječenosti za rad osiguranika Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 42/08 i 21/15), mijenja se i glasi:

„(1) Po zahtjevu iz člana 19 ovog pravilnika, Fond donosi rješenje i dostavlja ga podnosiocu zahtjeva.

(2) Na rješenje iz stava 1 ovog člana može se podnijeti žalba Apelacionoj komisiji u roku od petnaest (15) dana od dana prijema rješenja, putem Fonda.“

Član 2

Ovaj pravilnik stupa na snagu danom donošenja.

Broj: 015-180/7-51/08-2
U Brčkom, 19. 11. 2015. Godine

**PREDSJEDNIK
UPRAVNOG ODBORA**
Dr. Anto Basić, s. r.

8

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1, tački b) i h) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15 i 7/15), na 43. redovnoj sjednici, održanoj 19. 11. 2015. godine, donosi

O D L U K U**O USLOVIMA ZA OSTVARIVANJE PRAVA NA TRETAN U HIPERBARIČNOJ KOMORI****Član 1**

Ovom odlukom propisuju se uslovi za ostvarivanje prava na tretman u hiperbaričnoj komori osiguranim licima Fonda zdravstvenog osiguranja Brčko distrikta BiH (u daljem tekstu: Fond), na teret sredstava Fonda.

Član 2

Osigurano lice se upućuje na tretman u hiperbaričnoj komori na teret sredstava Fonda na osnovu sljedećih medicinskih indikacija:

- Akutno trovanje CO, CO₂, cijanidima, bojnim otrovima i dr.;
- Sepse (anaerobne, aerobne, mješovite, gasne embolije i gasne gangrene);
- Kraš sindrom, kompromitovani transplantati, osteomijelitis;
- Opekotine III stepena (više od 30% ukupne površine kože);
- Nezarastajuće rane (ishemija IV stepena i ireverzibilne promjene – gangrene), ulkus kruris.

Član 3

Ova odluka stupa na snagu danom donošenja i objavljuje se u Službenom glasniku Brčko distrikta BiH.

Broj: 015-180/7-UO-88/15
Brčko, 19. 11. 2015. godine

**PREDSJEDNIK
UPRAVNOG ODBORA**
Dr. Anto Basić, s. r.

9

Upravni odbor Fonda zdravstvenog osiguranja Brčko distrikta BiH, na osnovu člana 13 stava 1 tačke f) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15 i 7/15) i člana 37 stava 3 Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi: 1/02, 7/02, 19/07, 2/08 i 34/08), na 43. redovnoj sjednici, održanoj 19. 11. 2015. godine, donosi

O D L U K U**O NAJVIŠEM I NAJNIŽEM IZNOSU NAKNADE PATE****Član 1**

Ovom odlukom utvrđuje se najviši i najniži iznos naknade plate zbog privremene spriječenosti za rad osiguranika Fonda zdravstvenog osiguranja Brčko distrikta BiH, za 2016. godinu.

Član 2

Najviši iznos naknade plate koju Fond zdravstvenog osiguranja Brčko distrikta BiH refundira poslodavcu za svakog zaposlenika, za vrijeme privremene spriječenosti za rad, preko 42 dana, utvrđuje se u iznosu od 1.000,00 KM.

Član 3

Najniži iznos naknade plate utvrđuje se u visini minimalne plate za mjesec za koji se naknada obračunava prema propisima entiteta koji se primjenjuju u 2016. godini.